



共融活動連結社群 共度綠色聖誕

中電一直致力推廣共融社會，今年聖誕節就同幾個社群一齊製作美食、親親自然，等參加者一齊感受共融生活，度過一個暖心又實在嘅冬日。

聖誕薑餅人製作工作坊

薑餅人承載住唔少人嘅聖誕回憶，我哋聯同社企銀杏館合辦薑餅人製作工作坊，請嚟一班長者導師，教參加者整出又香又靚嘅薑餅人！活動支持一班老友記就業之餘，仲認識到一班香港聾人協進會嘅聽障朋友，為聖誕增添獨特回憶！

島嶼慢活·綠創之旅

睇和煦嘅陽光下，我們同唐氏綜合症嘅朋友一齊前往長洲，展開大自然、綠色生活嘅共融之旅。我哋一齊喺野外製作竹燒雞，以自然元素創作環保袋，體驗綠色手作嘅樂趣，等每位參加者都可以喺自然中放慢腳步，感受包容同關懷，締造難忘嘅共融時刻。

配合 慳水神器 教揀 慳電電熱水爐

踏入冬天，沖涼當然唔少得電熱水爐啦，今次我哋教大家揀適合嘅電熱水爐之餘，仲介紹大家一款「慳水神器」，一齊做「冬天的冠軍」啦！

電熱水爐有三種款式，分別為即熱式、中央儲水式同花灑儲水式。

即熱式，顧名思義係即開即有熱水供應，但要留意即熱式需要較高嘅額定功率，購買前要確保大廈有三相供電；中央儲水式容量較大，由18公升至38公升不等，可提供多個供水點。花灑儲水式容量由12公升至23公升不等，可提供一個供水點。無論中央或花灑儲水式電熱水爐，都有具速熱技術嘅型號可供選擇，只需5分鐘預熱就可以沖30分鐘熱水涼喇。

無論係邊款電熱水爐，慳電嘅兩大原則係(1)減少用水同(2)減低用水溫度/縮短加熱時間。想減少用水，可考慮揀用「慳水神器」— 有 WELS 標籤嘅慳水花灑（標籤愈多星代表愈慳水）；想將加熱時間縮到最短，大家記得當熱水達到設定溫度、電熱水爐保持恆溫時，關閉電熱水爐，否則佢會不斷加熱喇喇。

自動轉賬 好e時 完成繳費即賞你500度度分



申請銀行自動轉賬交電費，方便自己之餘，仲有度度分拎！

由即日起至2026年7月31日，申請銀行自動轉賬並完成首次銀行自動轉賬繳費就可以獲得500度度分，限時換取特選商戶禮券，或其他豐富獎賞！更可享受額外免費增值服務：自動繳費提示同電子收據。

經中電App或中電網站，簡單兩步即可申請銀行自動轉賬服務：

- 一) 登入中電One賬戶，揸「個人檔案」
- 二) 揸「網上自動轉賬申請」並填寫申請表格

*由於自動轉賬服務申請程序需時4-6星期，客戶請預留時間予銀行處理相關申請。

完成申請並成功啟用銀行自動轉賬後，即可享受輕鬆無憂嘅自動繳費體驗！而家仲有500度度分送畀你，快啲行動啦！

優惠受條款及細則約束。

AI司棋姐教老友記用App

聲音導航夠貼地



唔少人會覺得老友記記憶性唔好，好難學得好點用智能手機，其實搵啱方法，一班老友記用手机都可以得心應手嘍！

中電為咗令一班老友記用戶用中電App更易上手，特別準備咗實體及電子版本嘅中電應用程式教學小冊子，一步步咁教樂齡人士使用中電App，等佢哋可以輕鬆融入數碼生活，享受科技帶嚟嘅方便同樂趣！

電子版本教學小冊子仲係互動式教學網頁嚟嘍，而且有「AI司棋姐」負責聲音導航，佢會一步步咁教老友記點用中電App嘅幾個主要功能，希望大家可以更容易學識點用非常方便嘅中電App啦！

中電App 一招智破騙徒陷阱



Q 臨近聖誕，我收到愈嚟愈多懷疑虛假嘅手機短訊或電郵。想避免墮入呢類網騙，可以點做呢？

A 中電一向非常重視用戶嘅網絡安全，只要下載中電App，登入後就可以享用多項重要功能，包括查閱賬單同用電紀錄、交電費，參與「綠加分」遊戲賺取度度分、用分換獎賞等，一個App就可以即時搞掂晒！

過時過節，騙徒往往會發送大量虛假短訊或電郵，假冒交電費提示，令人難以分辨真偽。但只要使用中電App就唔會有呢個煩惱，大家可以隨時隨地檢閱電費賬單，揸多個掣開埋繳費提示功能，以後收到假訊息就可以直接刪除喇！

最後，大家記得定期檢查App內嘅個人資料，確保住址同電郵地址正確，咁電費單就會準時送到大家手上。